

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI ISNIN, 16 MAC 2015, PUKUL 10.00 PAGI**

**Bil. 5**

---

**PERTANYAAN-PERTANYAAN BAGI JAWAB LISAN**

1. PR-1331-L67415  
**Dato' Sri Azalina binti Dato' Othman Said [ Pengerang ]** minta **PERDANA MENTERI** menyatakan adakah Kerajaan bercadang untuk menubuhkan Suruhanjaya Siasatan Diraja (RCI) untuk mengkaji mengenai kelemahan dan kekurangan Kerajaan dalam menangani insiden banjir baru-baru ini serta melakukan kajian semula terhadap Prosedur Operasi Standard (SOP) sistem pengurusan bencana untuk penambahbaikan pada masa hadapan.
2. PR-1331-L65442  
**Tuan Hee Loy Sian [ Petaling Jaya Selatan ]** minta **MENTERI KESIHATAN** menyatakan:-
  - (a) jumlah pesakit luar dan dalam didaftarkan di Pusat Perubatan Universiti Malaya pada tahun 2014 dan jumlah pesakit yang mampu ditampung oleh hospital itu; dan
  - (b) perancangan Kementerian untuk membina sebuah hospital awam pertama di Petaling Jaya.
3. PR-1331-L66830  
**Dato' Abd. Aziz bin Haji Sheikh Fadzir [ Kulim Bandar Baharu ]** minta **MENTERI LUAR NEGERI** menyatakan apakah perancangan Kerajaan yang telah memutuskan untuk mewujudkan satu jawatankuasa khas dalam memantau kes pencerobohan perairan antara Malaysia-Indonesia seperti yang diperbincangkan dalam pertemuan dengan Presiden Indonesia ke Malaysia baru-baru ini.
4. PR-1331-L66481  
**Tuan Sim Tze Tzin [ Bayan Baru ]** minta **MENTERI PERDAGANGAN ANTARABANGSA DAN INDUSTRI** menyatakan tindakan susulan Kerajaan setelah barangan elektronik buatan Malaysia disenaraihitamkan sebagai barangan buatan buruh paksaan oleh Kerajaan Amerika Syarikat pada 1 Disember 2014. Nyatakan implikasi kepada ekonomi Negara.

5. PR-1331-L66046  
**Datuk Ahmad Jazlan bin Yaakub [ Machang ]** minta **MENTERI KEMAJUAN LUAR BANDAR DAN WILAYAH** menyatakan berapakah jumlah RTC yang dibina setakat ini dan ada atau tidak rancangan pembinaan untuk ditambah sebuah lagi RTC di tengah-tengah Kelantan iaitu di kawasan Machang bagi membolehkan rakyat negeri Kelantan menikmati kemudahan tersebut.
6. PR-1331-L65991  
**Dr. Ko Chung Sen [ Kampar ]** minta **MENTERI SUMBER ASLI DAN ALAM SEKITAR** menyatakan:-
  - (a) intensiti ekzos pelepasan di Malaysia bagi lima tahun yang lepas; dan
  - (b) sasaran bagi tempoh lima tahun akan datang dan langkah-langkah yang diambil oleh Kerajaan setakat ini untuk mengurangkan pelepasan
7. PR-1331-L65570  
**Datuk Sapawi bin Ahmad Wasali [ Sipitang ]** minta **MENTERI PEMBANGUNAN WANITA, KELUARGA DAN MASYARAKAT** menyatakan apakah hasil maklum balas awam berkaitan cadangan penggubalan akta baharu yang mencadangkan merotan anak sebagai kesalahan jenayah bagi menggantikan Akta Kanak-Kanak 2001, memandangkan tercetus polemik dan kontroversi mengenainya.
8. PR-1331-L65791  
**Tuan Idris bin Haji Ahmad [ Bukit Gantang ]** minta **MENTERI KERJA RAYA** menyatakan berapakah pendapatan Syarikat PLUS yang diperoleh hasil daripada 3 peratus yang dipungut kepada peniaga R&R sepanjang Lebuhraya Utara Selatan sehingga tahun 2014.
9. PR-1331-L66021  
**Tuan Anyi Ngau [ Baram ]** minta **MENTERI KEMAJUAN LUAR BANDAR DAN WILAYAH** menyatakan apakah perancangan serta sasaran pihak Kementerian bagi tahun 2015 di dalam menyediakan bekalan air terawat kepada penduduk di sekitar pedalaman Baram.
10. PR-1331-L65973  
**Puan Siti Zailah binti Mohd Yusoff [ Rantau Panjang ]** minta **MENTERI SUMBER ASLI DAN ALAM SEKITAR** menyatakan apakah tindakan Kementerian untuk mengatasi masalah banjir besar daripada segi jangka pendek dan jangka panjang untuk seluruh negeri Kelantan.
11. PR-1331-L66498  
**Tuan Anuar bin Abd. Manap [ Sekijang ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan:-
  - (a) apakah keberkesanan kempen kesukarelawan dalam memastikan peniaga menurunkan harga barangan; dan

- (b) apakah statistik tindakan yang diambil terhadap peniaga dalam OPS Catut yang melakukan kesalahan di bawah Akta Kawalan Harga dan Anti Pencatutan 2011.
12. PR-1331-L65961  
**Dr. Che Rosli bin Che Mat [ Hulu Langat ]** minta **MENTERI TENAGA, TEKNOLOGI HIJAU DAN AIR** menyatakan apakah langkah-langkah yang telah dilaksanakan dan akan diambil bagi memberi kefahaman kepada rakyat terutama pengguna domestik yang terlibat dengan surcay 1.6 peratus berkait dengan FIT dan Kumpulan Wang Tenaga Boleh Baharu.
13. PR-1331-L66466  
**Ir. Shahrudin bin Ismail [ Kangar ]** minta **MENTERI PERTANIAN DAN INDUSTRI ASAS TANI** menyatakan kenapakah terdapat stok beras yang banyak di kilang-kilang padi swasta baru-baru ini sehinggakan kilang-kilang padi swasta tidak dapat membeli padi daripada petani di negeri Perlis. Apakah permit import beras perlu dikaji semula.
14. PR-1331-L65918  
**Tuan Tan Kok Wai [ Cheras ]** minta **PERDANA MENTERI** menyatakan kemajuan yang dicapai setakat ini di bawah Pelan Pemulihan Nasional untuk mewujudkan keharmonian kaum dan toleransi agama (*National Reconciliation Plan*) di negeri ini.
15. PR-1331-L66205  
**Datuk Zahidi bin Zainul Abidin [ Padang Besar ]** minta **MENTERI DALAM NEGERI** menyatakan langkah-langkah yang diambil dalam menyelesaikan masalah PATI di sempadan terutamanya di Padang Besar di mana baru-baru ini terjumpanya kem pelarian yang dibuat oleh sindiket pemerdagangan manusia di sempadan Padang Besar.
16. PR-1331-L67297  
**Dato' Haji Mahfuz bin Omar [ Pokok Sena ]** minta **MENTERI DALAM NEGERI** menyatakan apakah fungsi dan peranan Unit Tindakan Khas (UTK) Polis Diraja Malaysia (PDRM).
17. PR-1331-L65634  
**Dato' Haji Zainudin bin Ismail [ Jelebu ]** minta **MENTERI KEWANGAN** menyatakan:-
- (a) apakah kelemahan "*fundamental*" merupakan punca kenapa nilai ringgit jatuh berbanding dengan nilai mata wang asing utama atau terdapat unsur-unsur spekulasi di pasaran mata wang; dan
- (b) berkait dengan perkara di atas, apakah pelan strategik dan langkah-langkah untuk mengukuhkan kembali nilai ringgit yang kini berada pada RM3.55 - RM3.60 berbanding satu USD.

18. PR-1331-L66584  
**Tuan Zairil Khir Johari [ Bukit Bendera ]** minta **MENTERI PENDIDIKAN** menyatakan statistik terkini pendaftaran masuk bagi sistem 1BestariNet, dipecahkan mengikut murid, guru dan ibu bapa.
19. PR-1331-L65592  
**Dato' Abdul Manan bin Ismail [ Paya Besar ]** minta **MENTERI PERTANIAN DAN INDUSTRI ASAS TANI** menyatakan anggaran kerugian sektor pertanian serta industri asas tani akibat bencana banjir besar di Pantai Timur dan apakah langkah strategik dalam memulihkan semula komoditi pertanian dan industri hiliran pertanian di kawasan yang terbabit.
20. PR-1331-L67304  
**Tuan Haji Khalid bin Abdul Samad [ Shah Alam ]** minta **MENTERI KERJA RAYA** menyatakan:-
- (a) usaha Kementerian mengatasi masalah kesesakan lalu lintas dari Jalan Lebu Raya Batu Arang dari Seksyen U10 Shah Alam sehingga Jalan Sungai Buloh ; dan
  - (b) dari Persimpangan Bukit Jelutong, Lebu Raya Guthrie (E35) sehingga simpang Lebu Raya Persekutuan.
21. PR-1331-L66927  
**Dato' Ir. Haji Nawawi bin Ahmad [ Langkawi ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah Kementerian bersetuju supaya semua rangkaian stesen minyak Petronas yang berjumlah lebih daripada 1,000 stesen diwajibkan mengambil barang-barang keluaran syarikat Bumiputera demi untuk memberi peluang memasarkan barangan mereka kerana rata-rata pengeluar barangan Bumiputera mengeluh barangan mereka tidak ada tempat untuk dipasarkan.
22. PR-1331-L65992  
**Dr. Ko Chung Sen [ Kampar ]** minta **MENTERI PENGANGKUTAN** menyatakan jumlah pampasan yang dibayar kepada dua syarikat swasta asal yang menguruskan AES apabila sistem saman AES ini diambil alih oleh Syarikat Milik Kerajaan.
23. PR-1331-L66363  
**Dato' Haji Abdul Rahman bin Haji Mohamad [ Lipis ]** minta **PERDANA MENTERI** menyatakan pelan jangka panjang bagi mengatasi bencana banjir pada masa akan datang.
24. PR-1331-L67245  
**Tuan Julian Tan Kok Ping [ Stampin ]** minta **PERDANA MENTERI** menyatakan jumlah "*Intellectual property*" yang dikurniakan ataupun dalam status "*Patent pending*" kepada syarikat MyEG, senaraikan nombor paten serta nombor aplikasi. Senaraikan jenis kerja serta jumlah "*outsourcing*" daripada Kerajaan kepada syarikat tersebut.

25. PR-1331-L67417  
**Dato' Seri Tiong King Sing [ Bintulu ]** minta **MENTERI KESIHATAN** menyatakan:-
- (a) apakah statistik terkini jumlah doktor dan apakah nisbah doktor kepada pesakit dalam negara kita; dan
  - (b) sejauh mana tepat dakwaan yang menyatakan doktor di negara kita berlebihan.
26. PR-1331-L66781  
**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI KEWANGAN** menyatakan langkah yang diambil bagi mengatasi kenaikan pada harga runcit minyak petrol dan diesel jika berlaku kenaikan mendadak pada harga minyak mentah dunia.
27. PR-1331-L66175  
**Datuk Wira Haji Ahmad bin Hamzah [ Jasin ]** minta **MENTERI SAINS, TEKNOLOGI DAN INOVASI** menyatakan apakah usaha-usaha yang sedang diambil untuk mengukuhkan lagi kemampuan agensi-agensi tertentu seperti Jabatan Meteorologi dalam membuat ramalan dan "*Forecasting*" cuaca/iklim yang lebih tepat agar kesilapan/kelemahan yang berlaku pada tahun 2014 dapat dielakkan serta tindakan pro-aktif yang lebih tepat dan berkesan dapat dirangka lebih awal lagi.
28. PR-1331-L66233  
**Puan Teresa Kok Suh Sim [ Seputeh ]** minta **MENTERI PERTAHANAN** menyatakan apakah peranan Malaysia dalam perang seluruh dunia terhadap ISIL. Apakah Malaysia akan menghantar anggota askar dan senjata untuk menyertai usaha masyarakat antarabangsa untuk memerangi ISIL di Iraq dan/atau Syria.
29. PR-1331-L67207  
**Tan Sri Datuk Seri Panglima Annuar bin Musa [ Ketereh ]** minta **MENTERI PERDAGANGAN ANTARABANGSA DAN INDUSTRI** menyatakan kedudukan terkini berhubungan dengan Perjanjian Perkongsian Trans Pasifik (TPPA) dan apakah halangan dalam pelaksanaan perjanjian terbabit.
30. PR-1331-L65557  
**Tuan Fong Kui Lun [ Bukit Bintang ]** minta **PERDANA MENTERI** menyatakan sebab musabab dan pengajaran daripada peristiwa banjir besar melanda negeri-negeri Pantai Timur baru-baru ini dan tindakan-tindakan pemulihan selama ini.
31. PR-1331-L66885  
**Datuk Jumat bin Idris [ Sepanggar ]** minta **MENTERI BELIA DAN SUKAN** menyatakan:-
- (a) apakah bentuk bantuan kewangan yang disediakan oleh pihak Kementerian kepada kelab-kelab Sukan yang berdaftar di bawah Pesuruhjaya Sukan dan apakah prosesnya untuk memohon; dan

- (b) selain daripada bantuan berbentuk kewangan, apakah bantuan atau kemudahan yang lain diberikan kepada kelab-kelab sukan ini.
32. PR-1331-L66184  
**Tuan Oscar Ling Chai Yew [ Sibü ]** minta **MENTERI DALAM NEGERI** menyatakan mengapa buku rujukan Kertas Model SPM Bahasa Malaysia diterbitkan oleh Info-Didik, masih dijual di kedai buku, adakah ini bermaksud kandungan buku itu adalah selaras dengan pendirian Kerajaan.
33. PR-1331-L66242  
**Dato' Noraini binti Ahmad [ Parit Sulong ]** minta **MENTERI PERDAGANGAN ANTARABANGSA DAN INDUSTRI** menyatakan keberkesanan Forum Ekonomi Islam Sedunia (*World Islamic Economic Forum -WIEF*) yang disertai oleh Malaysia dalam menggalakkan kerjasama perdagangan dengan negara-negara OIC dan juga dengan negara-negara bukan Islam.
34. PR-1331-L67102  
**Tuan Manivanan a/l Gowindasamy [ Kapar ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan:-
- (a) langkah-langkah dan tindakan Kerajaan untuk memastikan dan menjamin agar barang-barang keperluan dan/atau runcit tidak melalui kenaikan harga secara mendadak sejurus GST diperkenalkan; dan
- (b) sama ada Kerajaan akan mengecualikan kos pendidikan (termasuk semua jenis buku dan alat tulis) dan kos perubatan (termasuk semua jenis perkhidmatan dan ubat-ubatan) daripada cukai GST.
35. PR-1331-L67340  
**Datuk Rozman bin Isli [ Labuan ]** minta **MENTERI KESIHATAN** menyatakan adakah Kementerian mempunyai perancangan untuk melaksanakan "*dispensing separation*". Apakah kebaikan dan kelemahannya dan adakah negara ini sudah bersedia pada masa ini.
36. PR-1331-L67330  
**Tuan Mohamed Hanipa bin Maidin [ Sepang ]** minta **MENTERI PENGANGKUTAN** menyatakan butiran secara terperinci senarai kerosakan teknikal yang dihadapi oleh pesawat-pesawat AirAsia dan AirAsia X semasa penerbangan semenjak ia mula beroperasi sehingga kejadian terbaru yang melibatkan pesawat AirAsia X D7172/XAX712 dari Kuala Lumpur ke Jeddah yang berlegar-legar selama 5 jam di ruang udara Selat Melaka. Minta tarikh kejadian, butiran pesawat dan jenis kerosakan teknikal.

37. PR-1331-L65808  
**Dr. Noor Azmi bin Ghazali [ Bagan Serai ]** minta **MENTERI KEWANGAN** menyatakan golongan berpendapatan RM4000 ke bawah mendapat BRIM manakala golongan kaya berpendapatan tinggi tidak layak. Golongan yang besar, tersepit dan terbeban adalah golongan berpendapatan pertengahan khususnya di bandar. Apakah tindakan Kerajaan untuk membantu golongan pertengahan ini yang terbeban dan sangat terkesan dengan kos hidup yang meningkat.
38. PR-1331-L65856  
**Dato' Mansor bin Othman [ Nibong Tebal ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan keberkesanan ataupun ukuran kejayaan pelaksanaan Skim Kawalan Harga Musim Perayaan di sepanjang tahun 2014 dan di awal tahun 2015.
39. PR-1331-L66170  
**Datuk Wira Haji Ahmad bin Hamzah [ Jasin ]** minta **MENTERI DALAM NEGERI** menyatakan bilangan warganegara asing mengikut kerakyatan masing-masing yang terus tinggal di negara ini secara tidak sah seperti pada 1 Mac 2015 dan setakat manakah kejayaan tindakan yang telah diambil untuk mengusir mereka pulang ke negara masing-masing.
40. PR-1331-L66528  
**Tuan Haji Ahmad Lai bin Bujang [ Sibuti ]** minta **MENTERI KEWANGAN** menyatakan adakah pihak Kerajaan bercadang untuk menggunakan potret Negarawan seperti Tunku Abdul Rahman, Seniman Agung P. Ramlee dan tokoh-tokoh yang banyak menyumbang jasa pada mata wang kertas Bank Negara.
41. PR-1331-L66848  
**Tuan Lim Guan Eng [ Bagan ]** minta **MENTERI DALAM NEGERI** menyatakan sebab Dr. Mashitah Ibrahim tidak ditahan atau didakwa di bawah Akta Hasutan atau Kanun Keseksaan berhubung fitnah jahatnya menyatakan kaum Cina di Kuala Kedah telah membakar al-Quran sebagai upacara agama mereka serta Ketua Bahagian UMNO Permatang Pauh, Datuk Mohd. Zaidi bahawa kekuatan ekonomi kaum Cina di Pulau Pinang bergantung kepada perbuatan haram dan maksiat.
42. PR-1331-L66963  
**Tuan Er Teck Hwa [ Bakri ]** minta **PERDANA MENTERI** menyatakan jumlah rumah PR1MA yang telah diberikan surat kebenaran menduduki (CF) sehingga kini, jumlah rumah yang akan dibina dari tahun 2014 hingga 2018 mengikut kawasan Parlimen dan jumlah pemohon terkini serta jumlah peruntukan yang disalurkan bagi tempoh tersebut.
43. PR-1331-L66350  
**Tuan Lim Kit Siang [ Gelang Patah ]** minta **MENTERI DALAM NEGERI** menyatakan mengapa Kerajaan Persekutuan tidak mempedulikan kesimpulan Laporan Suruhanjaya Siasatan DiRaja ke atas Pendatang Tanpa Izin di Sabah yang mengakui wujudnya "Projek IC" dan mengambil tindakan tegas dan segera mengenal pasti orang yang bertanggungjawab melakukan jenayah penyusupan orang asing di negeri Sabah sekian lama.

44. PR-1331-L67252  
**Dr. Hajah Siti Mariah binti Mahmud [ Kota Raja ]** minta **MENTERI DALAM NEGERI** menyatakan dasar Kerajaan dalam pengeluaran visa dan permit kerja terkini untuk pembantu rumah asing dan bagaimana Kerajaan dapat mempermudah kaum wanita yang bekerja mengambil pembantu rumah dari kalangan pendatang asing tanpa izin yang tersedia ada dalam negara kita.
45. PR-1331-L67056  
**Datuk Haji Datu Nasrun bin Datu Mansur [ Silam ]** minta **PERDANA MENTERI** menyatakan sejauh manakah persiapan ESSCOM dalam terus memperkasakan keselamatan di kawasan Pantai Timur Sabah. Apakah status terkini kumpulan Militan Abu Sayyaf, MNLF dan MILF yang dikatakan terlibat dengan *Militan Islamic State of Iraq and Syria (ISIS)*.
46. PR-1331-L67217  
**Dr. Michael Jeyakumar Devaraj [ Sungai Siput ]** minta **MENTERI TENAGA, TEKNOLOGI HIJAU DAN AIR** menyatakan kuantiti penggunaan elektrik di Malaysia dalam tahun 2013 dengan pecahan kegunaan domestik, komersial, industri dan Kerajaan. Juga nyatakan amaun yang digunakan untuk lampu jalan biasa, lampu di luar bangunan Kerajaan dan oleh konsesi lebih raya-lebih raya.
47. PR-1331-L65990  
**Dr. Ko Chung Sen [ Kampar ]** minta **MENTERI PENDIDIKAN** menyatakan:-
- (a) jumlah wang yang dibelanjakan untuk meningkatkan tahap penguasaan Bahasa Inggeris di sekolah-sekolah; dan
  - (b) tindakan yang telah diambil setakat ini dan pencapaian yang diperoleh.
48. PR-1331-L67271  
**Dato' Dr. Mujahid Yusof Rawa [ Parit Buntar ]** minta **PERDANA MENTERI** menyatakan berapakah rumah transit yang telah dibina atau diputuskan untuk dibina untuk keluarga mangsa banjir yang kehilangan rumah di Kelantan, Terengganu dan Pahang.
49. PR-1331-L67450  
**Dr. Ismail bin Daut [ Merbok ]** minta **MENTERI PEMBANGUNAN WANITA, KELUARGA DAN MASYARAKAT** menyatakan supaya Bantuan 1Azam diteruskan supaya golongan ibu tunggal dan usahawan-usahawan kecil dapat menikmati bantuan tersebut untuk meningkatkan ekonomi sesebuah keluarga. Adakah Kerajaan bercadang supaya Pengerusi Majlis Pembangunan Wanita, Keluarga Dan Masyarakat peringkat Parlimen diberi elaun sepertimana diperoleh oleh JKKK supaya dapat memperkasakan kumpulan tersebut, yang mana sumbangan mereka juga tidak diketepikan.



50. PR-1331-L65591

**Tuan Sim Tong Him [ Kota Melaka ]** minta **PERDANA MENTERI** menyatakan kesan-kesan dan kerugian kawasan terjejas banjir pada hujung tahun 2014:-

- (a) jumlah bantuan kewangan dan barangan yang diberikan kepada mangsa-mangsa banjir ini dan berikan butiran mengikut Kerajaan Pusat, Kerajaan Negeri, NGO, pertubuhan swasta dan syarikat swasta; dan
- (b) apakah tindakan yang akan diambil oleh Kerajaan untuk mencegah banjir yang sering kali berlaku ini.

51. PR-1331-L66174

**Dato' Wira Mohd Johari bin Baharom [ Kubang Pasu ]** minta **PERDANA MENTERI** menyatakan terhadap perkembangan PRIMA sejak ianya diwujudkan. Berapakah bilangan rumah yang telah diagihkan kepada pemohon dan berapakah bilangan baharu yang akan dibina sehingga tahun 2016. Apakah pihak PRIMA berpuas hati dengan prestasi kontraktor pembinaan rumah-rumah berkenaan dan kerjasama pihak PBT berhadap projek ini terutamanya di dalam pengeluaran sijil CF.

52. PR-1331-L66984

**Tuan Wong Ling Bui [ Sarikei ]** minta **MENTERI SUMBER MANUSIA** menyatakan berapakah jumlah buruh yang datang dari negara-negara luar ke negara Malaysia. Berapa lama masa yang perlu diambil oleh Jabatan Tenaga Kerja Sarawak untuk meluluskan levi selepas semua prosedur dan dokumen lain telah lengkap apabila sesebuah syarikat ingin mendapatkan tenaga buruh.

53. PR-1331-L66409

**Dato' Johari bin Abdul [ Sungai Petani ]** minta **PERDANA MENTERI** menyatakan:-

- (a) berapa belanja yang terpaksa ditanggung oleh Kerajaan dalam mengendalikan kes mahkamah Sodomi I dan Sodomi II yang melibatkan YB. Ketua Pembangkang, Dato' Seri Anwar Ibrahim; dan
- (b) pernahkah Kerajaan menggunakan khidmat peguam luar Kerajaan bagi menjadi Pendakwa bagi pihak Kerajaan sebelum kes Sodomi II. Dan berapakah jumlah bayaran yang dibayar atau janji dibayar kepada Peguam Shafie Abdullah.

54. PR-1331-L66534

**Tuan Tony Pua Kiam Wee [ Petaling Jaya Utara ]** minta **MENTERI KEWANGAN** menyatakan wang sebanyak RM3.81 bilion daripada *SRC International* telah dilaburkan di luar Malaysia di negara mana dan dengan siapa, seperti yang tercatat dalam penyata kewangan syarikat bertarikh 31 Mac 2014 dan apakah corak pelaburan tersebut.

55. PR-1331-L66443  
**Tuan Lim Lip Eng [ Segambut ]** minta **MENTERI KEWANGAN** menyatakan status siasatan terhadap Datuk Tong Kooi Ong yang dituduh terlibat taruhan nilai ringgit dan memanipulasi mata wang bertujuan menjatuhkan nilainya untuk mengaut keuntungan peribadi bagi mensabotaj ekonomi negara seperti yang didakwa dalam beberapa blog internet. Sekiranya tuduhan itu palsu, siapakah dalang blog-blog tersebut.
56. PR-1331-L66211  
**Tuan Charles Anthony Santiago [ Klang ]** minta **MENTERI SUMBER MANUSIA** menyatakan status pelan keselamatan sosial (*social security*) untuk pemandu teksi. Apakah cadangan yang dikemukakan oleh pakar rujuk dalam kajian mengenai projek ini. Apakah masalah yang dihadapi oleh Kementerian untuk melaksanakan program ini.
57. PR-1331-L67455  
**Datuk Hajah Norah binti Abd Rahman [ Tanjong Manis ]** minta **MENTERI PENGANGKUTAN** menyatakan apakah peratusan kemalangan di jalan raya dan lebuh raya yang disebabkan oleh kenderaan berat yang menggunakan tayar celup (*retread*) dan adakah perlu penggunaan tayar celup ini diharamkan terus penggunaannya oleh kenderaan berat (lori).
58. PR-1331-L66761  
**Tuan Che Mohamad Zulkifly bin Jusoh [ Setiu ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan implikasi pelaksanaan pilihanraya Pihak Berkuasa Tempatan kepada rakyat sekiranya ia diadakan.
59. PR-1331-L66786  
**Tuan Chong Chieng Jen [ Bandar Kuching ]** minta **PERDANA MENTERI** menyatakan apakah pendirian Kerajaan dan tindakan yang akan diambil terhadap kenyataan perkauman berkenaan "boikot peniaga-peniaga Cina" yang dikeluarkan oleh YB Dato' Sri Ismail Sabri bin Yaacob, Menteri Pertanian dan Industri Asas Tani.
60. PR-1331-L66658  
**Tuan Loke Siew Fook [ Seremban ]** minta **MENTERI DALAM NEGERI** menyatakan butiran terperinci mengenai syarikat perkhidmatan pengendalian visa yang dilantik oleh Kerajaan Malaysia di Republik Rakyat China, syarat-syarat pelantikan, kos yang ditanggung oleh Kerajaan serta caj perkhidmatan yang ditetapkan.
61. PR-1331-L65463  
**Dr. Azman bin Ismail [ Kuala Kedah ]** minta **MENTERI TENAGA, TEKNOLOGI HIJAU DAN AIR** menyatakan mengapa tarif elektrik TNB tidak diturunkan meskipun harga minyak dan arang batu dunia telah turun.
62. PR-1331-L66749  
**Tuan Chua Tian Chang @ Tian Chua [ Batu ]** minta **MENTERI KEWANGAN** menyatakan apa bukti yang Kerajaan mempunyai bahawa Tong Kooi Ong terlibat dalam spekulasi yang menjatuhkan nilai ringgit. Adakah benar bahawa ringgit jatuh kerana spekulasi. Jika tidak, apakah sebab lain kejatuhan ringgit.

63. PR-1331-L67012  
**Tuan Mohamed Azmin bin Ali [ Gombak ]** minta **MENTERI LUAR NEGERI** menyatakan apakah Kerajaan sudah melepaskan Kepulauan Spratleys sebagai sebahagian dari wilayah Malaysia.
64. PR-1331-L65668  
**Dato' Othman bin Aziz [ Jerlun ]** minta **MENTERI TENAGA, TEKNOLOGI HIJAU DAN AIR** menyatakan bagaimanakah pelan penstrukturan semula tarif elektrik bakal dilaksanakan sejajar dengan penurunan harga minyak pada masa kini.
65. PR-1331-L65555  
**Dato' Sri Haji Abdul Azeez bin Abdul Rahim [ Baling ]** minta **MENTERI DALAM NEGERI** menyatakan adakah Kerajaan bercadang untuk memperketatkan akta sedia ada dalam menangani isu-isu berkaitan perkauman dan sentimen agama yang saban hari membimbangkan.
66. PR-1331-L66333  
**Dr. Tan Seng Giaw [ Kepong ]** minta **PERDANA MENTERI** menyatakan keadaan sebenar berlakunya banjir besar, sebab-musabab, bilangan mangsa, bilangan kematian, kos kemusnahan rumah, jalan raya, jambatan dan kos pemulihan.
67. PR-1331-L65707  
**Datuk William @ Nyallau anak Badak [ Lubok Antu ]** minta **MENTERI KEMAJUAN LUAR BANDAR DAN WILAYAH** menyatakan bagaimana pembahagian peruntukan projek menaik taraf jalan-jalan balak dapat dibahagikan mengikut kawasan Parlimen yang ada jalan balak di seluruh Sarawak kerana pelaksanaan peruntukan tahun 2014 tidak menampakkan sebarang peruntukan di kawasan Parlimen Lubok Antu.
68. PR-1331-L66158  
**Tuan Wong Tien Fatt @ Wong Nyuk Foh [ Sandakan ]** minta **MENTERI TENAGA, TEKNOLOGI HIJAU DAN AIR** menyatakan keperluan dan pembekalan elektrik secara keseluruhannya di Sabah bagi tahun 2010 hingga 2014. Nyatakan status pembinaan loji penjana kuasa LNG yang akan dibina di Sandakan. Bila ia akan mula dibina dan berapa peruntukan akan diguna.
69. PR-1331-L66091  
**Dato' Dr. Tan Kee Kwong [ Wangsa Maju ]** minta **MENTERI KEWANGAN** menyatakan adakah benar dengan kenyataan CEO 1MDB di dalam *The Business Times* bahawa RM3 bilion wang pelaburan milik 1MDB di Pulau Cayman tidak di bawa pulang. Apakah wujud sebarang tindakan oleh Kerajaan terhadap perkara ini.
70. PR-1331-L67191  
**Puan Kasthuriraani a/p Patto [ Batu Kawan ]** minta **MENTERI LUAR NEGERI** menyatakan sebab mengapa kerajaan Malaysia belum lagi menandatangani Perjanjian Konvensyen Geneva Berkaitan Dengan Status Pelarian 1951 dan Protokol 1967 memandangkan Malaysia kini mempunyai beratus ribu pendatang asing tanpa izin.

71. PR-1331-L66902  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan pendirian jika sekiranya Kementerian menggalakkan syarikat memberikan kenaikan 6% kepada gaji pekerja sejajar dengan pelaksanaan GST.
72. PR-1331-L66979  
**Tuan Gooi Hsiao-Leung [ Alor Setar ]** minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan jumlah tangkapan yang dibuat atas penyeludupan petrol dan diesel ke Thailand dari Malaysia dan anggaran jumlah kuantiti dan nilai petrol dan diesel yang telah di seludup ke Thailand dalam lima tahun dari 2010 sehingga 2015.
73. PR-1331-L67338  
**Ust. Datuk Dr. Mohd. Khairuddin bin Aman Razali [ Kuala Nerus ]** minta **MENTERI PERTANIAN DAN INDUSTRI ASAS TANI** menyatakan langkah-langkah yang diambil oleh Kementerian bagi memastikan jaminan bekalan makanan selamat, mencukupi dan mampu diperoleh oleh rakyat, khususnya dalam mendepani krisis bekalan global seperti yang berlaku pada 2008 dan berikutan faktor perubahan cuaca serta bencana alam.
74. PR-1331-L67110  
**Datuk Seri Panglima Haji Abdul Ghapur bin Haji Salleh [ Kalabakan ]** minta **MENTERI KESIHATAN** menyatakan:-
- (a) pihak manakah yang bertanggung jawab dalam meluluskan jualan dan menentukan agar semua ubat-ubatan di negara ini adalah tulen dan selamat digunakan ; dan
  - (b) apakah ada tindakan konsisten untuk menentukan agar semua ubat-ubatan di pasaran adalah tulen dan selamat untuk digunakan.
75. PR-1331-L67446  
**Dato' Ahmad Fauzi bin Zahari [ Setiawangsa ]** minta **MENTERI BELIA DAN SUKAN** menyatakan tindakan Kementerian ke atas Persatuan Bola Sepak Malaysia (FAM) yang didakwa tidak sensitif mengenai jadual perlawanan bola sepak yang diatur bertindih dengan hari-hari perayaan besar di Malaysia.
76. PR-1331-L65822  
**Tuan Haji Ahmad Nazlan bin Idris [ Jerantut ]** minta **MENTERI SUMBER ASLI DAN ALAM SEKITAR** menyatakan apakah langkah-langkah yang lebih berkesan yang akan diambil agar kejadian seperti pembalakan dan perlombongan serta penerokaan tanah seperti yang berlaku di Cameron Highlands dapat dikawal daripada merebak ke kawasan lain di seluruh negara.

**ATURAN URUSAN MESYUARAT DAN USUL-USUL**

1. **Usul dibuat oleh Yang Berhormat Datuk Seri Noh bin Haji Omar [ Tanjong Karang ]** dan masalah dicadangkan :-

“ Bahawa suatu ucapan yang tidak sepertinya dipersembahkan kepada Seri Paduka Baginda Yang di-Pertuan Agong, demikian bunyinya:-

“ Ampun Tuanku,

Patik, Yang di-Pertua dan Ahli-ahli Dewan Rakyat Malaysia di dalam Persidangan Parlimen, memohon ampun mempersembahkan suatu ucapan yang ikhlas daripada Majlis Dewan Rakyat mengucapkan berbanyak-banyak syukur dan menjunjung kasih kerana Titah Ucapan Seri Paduka Baginda semasa membuka Penggal Ketiga, Parlimen Yang Ketiga Belas.”

**Menyambung semula Perbahasan atas masalah (12 Mac, 2015)**

- |    |                |  |                               |
|----|----------------|--|-------------------------------|
| 2. | (D.R. 24/2014) | Rang Undang-undang Dadah Berbahaya (Pindaan) (No.2) 2014<br><br><b>[ Menteri Kesihatan]</b>              | <b>Bacaan Kali Yang Kedua</b> |
| 3. | (D.R. 29/2014) | Rang Undang-undang Pendidikan (Pindaan) 2014<br><br><b>[ Menteri Pendidikan ]</b>                        | “                             |
| 4. | (D.R. 26/2014) | Rang Undang-undang Perhubungan Perusahaan (Pindaan) 2014<br><br><b>[ Menteri Sumber Manusia ]</b>        | “                             |
| 5. | (D.R. 30/2014) | Rang Undang-undang Teknologis dan Juruteknik 2014<br><br><b>[ Menteri Sains, Teknologi dan Inovasi ]</b> | “                             |
| 6. | (D.R. 23/2014) | Rang Undang-undang Ahli Parlimen (Saraan) (Pindaan) 2014<br><br><b>[ Perdana Menteri ]</b>               | “                             |

**7. Menteri Kewangan akan mencadangkan :-**

"Bahawa Dewan ini, mengikut peruntukan perenggan 4(b) Akta Pendanaan Kerajaan 1983 [Akta 275], mengambil ketetapan supaya Kerajaan memindahkan sebanyak RM39.592 bilion wang terimaan Terbitan Pelaburan Kerajaan (TPK) yang diterima di bawah seksyen 3(1) Akta yang sama ke Kumpulan Wang Pembangunan yang dinyatakan dalam Jadual Kedua Akta Tatacara Kewangan 1957 [Akta 61] bagi maksud Kumpulan Wang tersebut."

**8. PR-1331-U65762**

**Datuk Dr. Makin @ Marcus Mojigoh [ Putatan ] akan mencadangkan:-**

"Bahawa Dewan ini mengambil maklum bahawa, agama Islam adalah agama rasmi negara ini, namun kebebasan beragama di negara ini terjamin seperti yang termaktub dalam Perlembagaan Persekutuan. Dan mengambil maklum juga, isu agama adalah merupakan isu sensitif terutama sekali dalam negara yang berbilang kaum dan agama. Dan mengambil maklum juga bahawa, penukaran agama bagi mereka yang di bawah umur memerlukan persetujuan daripada ibu bapa mereka terlebih dahulu sebelum mereka menukar agama. Dalam kes penukaran agama anak perempuan (berumur 16 tahun) Encik Jilius Yapoo yang berlaku di Sekolah Menengah Kinarut dengan tanpa persetujuan ibu bapa kanak-kanak ini telah mengundang spekulasi dan andaian yang tidak sihat terutama sekali kepada perpaduan kaum dan agama di negara ini. Insiden ini sedikit sebanyak telah menghakis dan melunturkan kepercayaan rakyat (terutama sekali yang bukan beragama Islam) terhadap institusi sekolah sebagai pusat ilmu dan juga kepada sistem perundangan negara, di mana kebebasan beragama adalah terjamin seperti yang termaktub dalam Perlembagaan Persekutuan. Maka, bagi menangani masalah ini, Dewan yang mulia ini hendaklah mengambil ketetapan bahawa, mana-mana pihak yang cuba untuk menukar agama mereka yang di bawah umur atau mana-mana individu yang di bawah umur hendak menukar agama mereka, pihak tersebut hendaklah mendapatkan persetujuan bertulis lebih awal daripada ibu bapa individu tersebut. "

**[ Perdana Menteri ]**

**9. PR-1331-U65853**

**Datuk Dr. Makin @ Marcus Mojigoh [ Putatan ] akan mencadangkan:-**

"Bahawa Dewan ini mengambil maklum, terdapat rungutan-rungutan di kalangan rakyat negeri Sabah dalam beberapa isu yang mereka fikirkan bahawa hak mereka, seperti yang dijanjikan dan terkandung dalam Perjanjian Malaysia 1963 telah dicabuli atau diendahkan. Dan mengambil maklum juga, antara isu utama yang disuarakan dalam rungutan ini adalah kebanjiran pendatang asing ke negeri Sabah dan ditambah buruk pula dengan pemberian status warga negara kepada mereka ini. Dan mengambil maklum juga bahawa, setiap kali isu 20 perkara dalam Perjanjian Malaysia ini disuarakan, terdapat usaha-usaha pihak tertentu untuk mensenyapkan isu ini dan akhirnya rungutan-rungutan ini menjadi satu gerakan ketidakpuasan hati rakyat. Dan mengambil maklum juga bahawa, gerakan ketidakpuasan hati rakyat ini telah sampai ke satu tahap di mana mereka secara terbuka

menggelarkan diri mereka sebagai aktivis Sabah Sarawak keluar Malaysia atau ringkasnya SSKM. Dalam hal ini, Kerajaan hendaklah memandang serius akan kesan dan implikasi perpaduan rakyat serta ketenteraman negara pada keseluruhannya. Kita maklum bahawa, mengambil tindakan undang-undang semata-mata untuk menghalang mereka bagi menyuarakan rungutan mereka ini tidak akan menyelesaikan isu yang ditimbulkan, malah akan merumitkan lagi keadaan di mana mereka akan semakin mendapat simpati daripada kalangan rakyat yang lainnya sementara Kerajaan pula dianggap sebagai tidak prihatin dan kuku besi. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah merangka satu gerak kerja untuk menangani isu ini secara holistik termasuklah menjemput dan mendengar rungutan mereka ini."

**[ Menteri Dalam Negeri ]**

10. PR-1331-U65760

**Tuan M. Kulasegaran [ Ipoh Barat ]** akan mencadangkan:-

"Bahawa Dewan Rakyat ini mengambil maklum bahawa banjir telah melanda di beberapa negeri baru-baru ini, di mana harta benda rakyat telah dimusnahkan dan banyak nyawa telah terkorban. Dalam keadaan ini, Dewan ini mengarah Perdana Menteri supaya mengambil strategi jangka masa panjang untuk mengatasi masalah ini dengan segera."

**[ Perdana Menteri ]**

11. PR-1331-U66345

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan banjir besar di negara."

**[ Perdana Menteri ]**

12. PR-1331-U66346

**Dr. Tan Seng Giaw [ Kepong ]** akan mencadangkan:-

"Bahawa Dewan ini mendebatkan gerakan militan di Malaysia."

**[ Menteri Dalam Negeri ]**

13. PR-1331-U67135

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

**[ Menteri Dalam Negeri ]**

14. PR-1331-U67141

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[ Menteri Pendidikan ]**



**RISALAT-RISALAT YANG DIBAWA KE DALAM MESYUARAT  
(DEWAN RAKYAT)**

<b><u>TAHUN 2014</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST.168	Laporan Tahunan Dan Penyata Kewangan Lembaga Wakaf Hindu Negeri Pulau Pinang Bagi Tahun 2013	16 Mac 2015
ST. 171	Laporan Tahunan dan Penyata Kewangan Universiti Malaysia Sarawak (UNIMAS) Bagi Tahun 2013	16 Mac 2015
ST. 181	Laporan Tahunan Dan Penyata Kewangan Lembaga Penduduk Dan Pembangunan Keluarga Negara Bagi Tahun 2013.	16 Mac 2015

<b><u>TAHUN 2015</u></b>	<b><u>RISALAT/DOKUMEN</u></b>	<b><u>TARIKH DIBENTANGKAN</u></b>
ST.1	Laporan Tahunan dan Penyata Kewangan Lembaga Promosi Kesihatan Malaysia Bagi Tahun 2013	16 Mac 2015
ST. 9	Laporan Tahunan Dan Penyata Kewangan Lembaga Pembangunan Seni Visual Negara Bagi Tahun 2013	16 Mac 2015
ST. 11	Laporan Tahunan Dan Penyata Kewangan Lembaga Perlesenan Kenderaan Perdagangan Sabah Dan Sarawak (LPKP) Bagi Tahun 2013	16 Mac 2015